

էլ իրենց անդոր էին համարում ծանր հիվանդին սպառնացող մահից բժշկությամբ կամ խնամատարությամբ փրկելու համար⁸⁴:

Մահը նկատվում էր որպես կոնկրետ, իրական, նյութապես գոյութիւն ունեցող հոգու մարմնից շնչի հետ միատեղ հեռացում: Հենց որ մեռնողը շունչը փչում էր, տան դուռը լայն բաց էին անում, որ հոգեհան հրեշտակը փակ չմնա և կարողանա ազատ հեռանալ հոգու հետ միասին: Հոգեվարքի միջոցին մանկանը սենյակից դուրս էին տանում անշուշտ այն երկյուղից զրգված՝ շինի՝ թե հեռացող հոգին նրան էլ հետը տանի⁸⁵: Միջոցներ էին ձեռք առնվում, որ հոգու հեռանալուց հետո դատարկված մարմնի մեջ շտեղավորվի շար ոգին: Հավանական է, որ այդ մտայնությամբ պետք է բացատրել այն, որ ննջեցյալի ծնոտը բռնելով կամ կզակի վրայով թաշկինակ կապելով, աշխատում էին, որ բերանը փակ մնա: Պատարագից հետո նշխարքը խնկի հետ դնում էին նրա բերանին, պնշերն ու ալանջները խցանում էին բամբակի կամ պատանքի անլվա կտորի մեջ փաթաթված խնկով: Խոնկի ծխելը, ինչպես հայտնի է թե՛ Հայաստանում, նաև՝ Հունաստանում և թե՛ առհասարակ արեւելքում, համարվում էր շար ոգիներին վանող և բարի ոգիներին գրավող միջոց: Չար ոգիներից ննջեցյալին պաշտպանելու նպատակով էր, որ պատանքելուց հետո երբեմն նրա կրծքին դնում էին հաց, որը նույնպես չարից պաշտպանելու գորութիւն ուներ: Գուցե նույն բացատրութիւնը պետք է տալ նաև այն սովորութեանը, որով պահանջվում էր ննջեցյալի ձեռները խաչաձևել նրա կրծքին, դեռ բաց գերեզմանի գլխին բահն ու թիակը դնել խաչաձևած. երկու դեպքերումն էլ շար ոգիներին մերձենալն ու ներթափանցելը խաչով արգելելու համար⁸⁶: Խաչը տաքու դնելու նշան էր: Նույն գորութիւնը պիտի վերագրել և այն խաչաձև կտրած կտորին—վարչամակին, որը պատանք կարողը եկեղեցում կարգը կատարելուց հետո ձգում էր ննջեցյալի երեսին, և միայն դրանից հետո էին վերջնականապես կարում պատանքի բաց թողած մասը: Նույնպիսի տաքուի՝ շարքիցն արգելելու, նրանից պաշտպանելու նշանակութիւն ուներ և այն խաչը, որով քահանան կնքում էր ննջեցյալի թարմ գերեզմանը: Խաչի այսպիսի ըմբռնումով հասկանալի է դառնում և հետևյալ դարձվածքը՝

«Խաչ դիր այս կամ այն ցանկութեանդ կամ մտադրութեանդ վրա»⁸⁷: Համոզված էին, իբր խաչը կապում էր, անշարժ, անձեռմխելի, անիրագործելի էր պահում այդ ցանկութիւնը, մտադրութիւնը:

Մահ պատճառողը շար ոգին էր, որի մերձենալուց մարդու մարմինը պղծվում՝ կեղտոտվում էր և այդ պղծումից, կեղտից մարմինը պետք էր մաքրել, այնպես ինչպես առհասարակ այլ դեպքերում կեղտոտված մարդն է մաքրվում, այն է ջրով լողացվելով:

Մեռելին լողացնում էին տանից դուրս: Միայն արտակարգ ցրտերի ժամանակ կարելի էր տան մեջ մի հեռու անկյունում, մի առանձնացած տեղում

⁸⁴ Տե՛ս Լալայեան Ն., Զանգեզուր, էջ 100. տե՛ս նրա համապատասխան հատվածները թե՛ այդ աշխատութեան և թե՛ «Միախնի» մեջ:

⁸⁵ СМОНПР, вып. XIII, отд. I, էջ 114:

⁸⁶ Այդ նպատակով Դուբայի շրջանի լեռնցիները խաչ էին քաշում իրենց մթերքների ամանների երեսին: Նույն նշանակութիւնն է ստանում ըրըշտօւէլու՝ հորանջելու միջոցին բացած բերանը խաչակնքելու սովորութիւնը, ինչպես և քրիստոնյաների մեջ տարածված երեսն ու կուրծքը խաչակնքելը, պատարագից և առհասարակ եկեղեցական արարողութիւնից հետո Ավետարանի կամ խաչի շարժումներով ցրվող հասարակութեանը քահանայի կողմից խաչակնքելը:

⁸⁷ «Թողորովին հրաժարվի՛ր նրանից»: